



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CXLIV. Markgraf Otto belehnt Friedrich Belkow und Peter Rackow mit dem
Obergericht zu Neulandsberg, am 29. Juni 1373.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

CXLIV. Markgraf Otto befehlt Friedrich Belkow und Peter Rakow mit dem Obergericht zu Neulandsberg, am 29. Juni 1373.

Wi Otto, Von Gotes Gnaden Marggraue czu Brandenburg, des heiligen Romischen Reichs Obrister Camerer, Pfallanzgraue bie dem Rine vnd hertzog in Beiern, Bekennen offenlichen an diesem briue vor allen lüten, die en sehen oder hören lesen, dafs wir mit wolbedachtem Mute, mit wissen vnd Rate vnfers Rates den Erlamen lüten Frizhen Belkow vnd Peter Rakow, vnfern Bürgern czu frankenvorde vnd lieben getruwen vnd iren rechten Erben mit gesämpter hant gelegen haben vnd lien mit kraft des Briues das Obirfte Gerichte in vnser Stad czu Nuwen Landesberg mit allen renten, Gulden, Buzzen, geuellen, Eren, Erungen, Gnaden, Rechten, friheiden, Nutzen vnd Zubehorungen, wie man die an sunderlichen wort mag genennen, Als wir selber das bis an dese czit yme gehabt vnd behalden haben, furbas czu eynem rechten Lehne von vnfs czu haben, czu genutzzen vnd ane allerley hindernüße zu bezizzen. Mit Vrkunde dis briues, versegelt mit vnserm anhangenden Ingesiegel. Darobir sint gewest der Erwidige Vater in God, her Peter, Bisschof czu lubus, die Vesten haffe von Vchtenhagen, herman von Wulkow, vnser Voite, Otto Grifen, vnser Cammermeister, Ritter, heinrich von der Schulenburg, Otto Morner vnd ander Erbar lüte genug. Gegeben zu Frankenuorde, nach Cristes geburte Tufent Jar Dreihundert Jar, darnach in dem dri vnd Sebnezigten Jare, an sente Peters vnd Paulus dage.

Aus Beckmann's handschriftl. Sammlung.

CXLV. Kaiser Karl IV. erneuert das Verbot, Befestigungen ohne landesherrlichen Consens zu errichten und gestattet zugleich allen Städten über Oder, die ohne landesherrliche Erlaubniß erbauten Schlöffer zu brechen und über Räuber zu richten, am 8. September 1377.

Wir karl, von gotes gnaten romescher keiser, tzu allen tziten merer des rikes vnd konigh tzo beheim, Bekennen vor vns vnd vnzen erben marggrauen tzu Brandenborch vnd tun kunt offenlichen mit diesem briue allen den, die seen odir horen lesen, wanne ys vormals in der marke tzu brandenborch redelichen gehalten ist, das nymand dheigenerley vesten oder bergfryd ane eines marggrauen tzu brandenborch, der yn tziten ist, sunderlichen vrlaub, wissen vnd willen mauren odir bowyn fullen, douan das von sulichem bawe landen vnd luten dicke grossz schade entstanden ist; dorvmb mit wolbedachten mute vnd rechter willen in craste ditz briues vorbietin wir aller menichliken bey vnser hulden, das nymand, wer der sey, fürbatz mer dheinerley vesten odir byrgfryd ane vnser vnd vnser erben marggraben tzu brandenborch sunderlichen wissen vnd gunst mauren, bawen odir machin fulle in eynige weise ane alleyne, das ein yeder beder man, borger odir gebawir in dorffern eyne wonüghen odir bergfrid durch beholtnysse seynes libes vnd habe vff flechter erden van holtze vnd leyme bawen müge vir vnd sweintzig schwe hach vnd nicht